

## Comment. In Daniele

1. Tim. 6. li capite 6. in priore ad Timotheum: Lucem inhabitat inaccessibilem. Ideo eam inaccessibilem appellat, quia Deum nemo potest comprehendere. Lux accipitur
- Iob. 17. aliquando pro latetia, vt capite 17. Iob. Post tenebras spero lucem. Hoc est, post luctum expecto gaudium. Aliquando pro splendore & exemplo recte factorum, vt capite quinto Euangelij auri hore Mattheo: Sic luceat lux vestra coram hominibus, vt videant opera vestra bona, & glorificent patrem vestrum, qui in caelis est. Aliquando pro aurora, vt Psal. 126. Vanum est vobis ante lucem surgere. Hoc est, Admoneo vos, qui victum summa cum sollicitudine comparatis frustra surgere diluculo ad labores obeundos, nisi vobis Deus tulerit opem, nisi vos dominus adiuuerit. Aliquando accipitur pro Christo: vt apud Ioannem 8. Ego sum lux mundi. De quo ait capite primo ad Hebræos diuus Paulus. Qui cum sit splendor gloriæ, & figura substantiæ eius. Hoc est, qui cum sit splendor patris, & eiusdem cum eo naturæ. Qui cum sit splendor gloriæ, & figura substantiæ eius. Hoc est, qui cum sit splendor patris, & eiusdem cum eo naturæ, eius æqualis. Voluit Apostolus significare esse Christum lucem sempiternam à patre procedentem, vt Photius inquit. Vt enim splendor procedit à Sole, ita filius à patre. Et vt nunquam fuit Sol sine luce, ita nunquam pater sine filio. Vnde Cyrill. Cyrillus coq̄ ernitatem cum patre hoc loco per splendorem significari ait. Et quia splendor iuxta humanam rationem non dicit substantiam, ne illum paternæ naturæ expertem putares, adiecit: Et figura substantiæ eius: vbi figura vt Gregorius ait Nyssenus, significat equalitatem substantiæ, quam substantiam iam idem Apostolus formam Dei capite 2. ad Philippenses vocauit. Et igitur Christus splendor paternæ gloriæ, & lux vera, quæ vt Ioannes capite 1. ait, illuminat omnem hominem venientem in hunc mundum. Aliquando accipitur pro iustis, vt apud Marthæum Matt. 5. quinto. Vos estis lux mundi. Aliquando pro vera doctrina, vt apud Ecclesiasticum 24. Qui mittit disciplinam sicut lucem. Ioan. 12. Ambulare, dum lucem habetis: Hoc est, date operam virtuti, dum viuitis. Metaphora est a viatoribus sumpta, quibus opus est ambulare, dum dies est, priusquam veniat noctis caligo. Aliquando pro prosperitate, vt Prouerbiolum 12. Lux iustorum lætificat, lucerna impiorum extinguetur. Ac si dicat: Prosperitas virorum virtute præditorum secum affert oblectationem, prosperitas autem sceleratorum morerem. Vel accipitur loco illo lux pro sapientia, exanctio autem lucernæ pro stultitia. Vbi Salomon sapientes appellat iustos, stultos autem impios: omnes enim viri virtutibus septi sunt sapientes, omnes verò maleficiis polluti ignorantes. Aliquando accipitur lux pro beatitudine, vt apud Esaiam 60. Erit tibi dominus in lucem sempiternam. Aliquando pro claritate & manifestatione, vt apud Iob 3. Abscondita produxit in lucem. Et apud Ioannem tertio: Omnis qui male agit, odit lucem. Et in hanc vltimam significationem accipitur hoc Danielis loco, vt sit sensus: In Deo, qui omnia scit, est lux, & arcanorum apertio & reuelatio. Sed dices: Si Deus est lux, si lux est cum illo, si inhabitat lucem, quare cum diuinus, ac regius vates describit caligine circumfusum? Ita enim ait Psalmo 17. Posuit tenebras latibulum suum, in circuitu eius tabernaculum eius: tenebrosa aqua in nubibus aeris. At si diligenter perspexeris, nullam in his locis inuenies discrepantiam. Per tabernaculum Dei hoc loco intelligitur lux, in qua Deus habitat, ita Theodoretus & Theodorus Antiochenus illud interpretantur. Sed huic tabernaculo, huic luci ideo Deus dicitur tenebras circumfundere, quia vult significare nullam mentis aciem esse tam perspicacem, tanto acumine perpolitam, quæ possit ipsum Deum penitus intueri, & comprehendere. Hinc effectum est, vt cum sermones conferret cum Mose legem laturus populo suo, totus mons Orebus esset nube densissima obductus. Et cum Salomon templum suum celebraret, fuit illud nebula impletum, vt literæ diuina libro tertio Regum memoriæ prodiderunt. Ipse tamen Deus lux est: imò vt pulchrè obseruauit Basilius, prima vox Dei

Pro. 13.

Esa. 60.

Iob 3.  
Ioan. 3.

Psal. 17.

Theod.  
Theod.

Exo. 16.

3. Re. 8.

Basilius.